



Ajangizko Udala

AJANGIZKO UDALAK 2008KO OTSAILAREN 11AN OSPATUTAKO EZ OHIKO BILKURAREN AKTA.-

Batzarreratuak:

Alkatea:

Koldo Carbonell Oihartzabal jauna

Zinegotziak:

*Jabier Berrojalbiz Bidaguren
Angel Luis Uribarri Gondra jauna
Maria Angeles Goikolea Uriarte andrea
Beñat Erezuma Arisketa jauna
Jasone Bernaola Aurrekoetxea
Roman Etxeandia Zabala*

Idazkaria:

Saioa Pineda Aranburu andrea

Ajangizko Udaletxean, 2008ko otsailaren 11an arratsaldeko 20:00etan eta horretarako deidaldia egin ondoren, Udal Osoa biltzen da ez ohiko bilera ospatzeko, goian aipatutako zinegotziekin.

Bilkura hasi aurretik, Alkate jaunak EAE-ANV talde politikoaren suspentsioa dela eta mozio bat aurkezten du gai zerrendan sartzeko, azken egun eta orduetan hartutako erabakien ondorio izanik gai zerrendan sartzerik izan ez delako. Bestalde, datorren martxoaren 9an ospatu behar diren Gorte Orokorretarako hauteskundetarako mahauiburu eta bokalen zozketa egin behar dela kontutan hartuta, ekitaldi honetan burutzea proposatzen du, zinegotzi guztiak batuta daudela aprobetxatuz.

Batzartutakoek aho batez onartzen dute aipatutako puntu biak gai zerrendan sartzeari.

Esandako orduan, Alkate Presidenteak gutxienezko kopurua dagoela ikusita, hasiera ematen dio bilerari.

• EUROPAN GAURKOTASUN OSOA DUEN HERRIEN AUTODETERMINAZIO ESKUBIDEAREN ETA INDEPENDENTZIAREN EZTABAIDA EUSKAL HERRIAK BIZI DUEN EGOERAGATIK PLANTEATZEA ESKATZEN DUEN MOZIOAREN ONARPENA, BEHAR BADA.-

Alkate jaunak ondoren transkribatzen den mozioaren irakurketa egiten du:



Ajangizko Udala

Ukainia, Bielorrusia, Lituania, Estonia, Txekiar Errepublika, Eslovakia, Eslovenia, Kroazia, Mazedonia, Serbia, Bosnia-Herzegovina, Montenegro, Moldavia, Alemaniaren bateratzea... European azken urteetan sortu diren Estatu berrien zerrenda luzea, autodeterminazio eskubidearen bidetik independentzia eskuratu duten herriak. XXI. Mendean, European independentziaren eztabaida gaurkotasun osoa du, European Independentzia berriak datoz, bidean da Eskozia, horretaz hitz egiten ari da Flandrian eta Valonian. Irlanda baturako bidea irekitzen duen Stormonteko akordioak 10 urte beteko ditu apirilean.

Gatazka luze eta konplikatuak bizi izan ditu Europak, eta esperientziak dio herriari hitza ematea izan dela konponbide bakarra, Herriei bere etorkizuna erabakitzeko eskubidea aitortu eta herriak erabakitzen duenari bide ematea, horrela konpondu dira gatazkak eta horrela nbermatu dituzte Europako herriek bere etorkizuna, independentziaren bidetik.

Agerikoa da, Europa batu nahi baldin bada herrien nazio izaera aitortuz eta errespetatuz egingo dela, herrien Europa eraikiz. Horrela frogatu dute independentzia eskuratuz Estatuak sortu duten herriek, bideragarritasun osoa agertuz, beraien nazioen izaera eta etorkizuna bermatuz.

Europako ispiluan isladatu beharko litzateke Euskal Herriaren geroa, baina ez da horrela. Espainiar eta Frantziar Estatuak mendez kanpo eta lekuz kanpo ageri dira, barnean hartzen dituzten nazioen eskubideak ukatuz, errepresioaren bitartez inperioak ziren garaietako inposizioari ezin eutsi.

Baina ezin zaizkio errealitateari ateak itxi, Euskal Herriak, Estatu bilakatu diren hainbat herri bezala, oraindik Estatu bilakatu ez diren beste hainbat nazioen modura, independentea izateko eskubide osoa du. Hori baita herri bezala gure etorkizuna bermatzeko bidea.

Are gehiago, bizi dugun gatazka, Espainiar eta Frantziar Estatuaren aldetik jasaten dugun inposizioa, bide bakar batetik gainditu daiteke, herriari hitza eta erabakia emanik. Horrela erakusten digu Europako historiak baita gaurko esperientziak ere, Euskal Herriari bere etorkizuna libreki eta demokratikoki erabakitzeko eskubidea aitortu behar diote Espainiar eta Frantziar Estatuak, horretan datza gatazkaren konponbide demokratikoa, Euskal herritar orori gure etorkizuna aukera politiko guztien artean erabakitzeko eskubidea aitortu behar



Ajangizko Udala

zaigu, baita erabakitakoa errespetatu ere. Eta aukera guzti horien artean independentzia egon behar da, Europako hamaika herrietan gertatu den moduan.

Europar, XXI. Mendean, Euskal Herriaren etorkizuna independentziaren bidetik dator. Ezin da errealitatea ukatu, ezin da herri bat jazarri, ezin zaizkio independentziari ateak itxi.

Maite dugu gure herria, Euskal Herriaren etorkizunaren aldeko apustu garbia egiten dugu, gatazkari konponbide demokratikoa eman behar zaio. Horregatik, herritarren ordezkari garen heinean, hautu argia egin nahi dugu, Euskal Herriaren independentziari ateak irekiko dizkion hautua.

Guzti hori hartuta honako mozioa aurkezten dugu osoko bilkurak eztabaida eta onar dezan:

MOZIOA

1.- Udal honek argi adierazi nahi du, Euskal Herriak bere independentziaz erabakitzeko eskubide osoa du, Europar Estatu bilakatu diren herri guztiek bezala, oraindik Estatua eskuratu ez duten nazio guztien modura.

2.- Euskal Herriak jasaten duen harazka konpontzeko herriari bere etorkizuna libreki eta aukera guztien artean, independentzia barne, erabakitzeko eskubidea aitortu eta errespetatu behar zaiola aldarrikatzen du udal honek. Ukazio eta inposizioen gaineratik, aukera guztien artean erabakitzeko eskubidea biltzen ez duten sasi-konponbide eta iruzur guztiak alboratuz, udal honek Euskal Herriaren independentziaren aldeko hautua egiten du, bihar Europar dagokigun lekua izan dezagun.

3.- Udal honek, Euskal Herriak Espainiar eta Frantziar Estaturen aldetik pairatzen duen eskubide ukazioa eta errepresioaren aurrean argi adierazi nahi du: begitatu dezatela Europako errealitateari, egin dezatela ariketa demokratiko bat, aitortu dezatela Euskal Herriari dagokiola bere etorkizuna erabakitzeko eskubidea.

4.- Herritarren ordezkari faben heinean konpromiso sendo bat hartu nahi fugu, gatazkari konponbidea emako eta Euskal Herriaren etorkizuna bermatzeko, herri honen independentziari ateak irekitzeko gure esku dagoen guztia egiteko konpromisoa.



Ajangizko Udala

Bide beretik, herritar eta eragile orori deia zabaldu nahi dio udal honek, independentziari ateak irekitzeko lanean bere ekarpena egin dezaten, Euskal Herriaren etorkizunri bide eman diezaioten.

5.- Udal honek, autodeterminazio printzipio unibertsala eta herrien arteko elkartasunaren garrantziari jarraikiz Eskozia, Irlanda, Flandria zein beste hainbat herriek bere burujabetza eta batasun osoa berreskuratzekeo giniko eginahalak zoriondu nahi dutu eta herri hauei beren independentzia eta batasunerako bidean udal hoen animo eta atxikimendua helarazi nahi die. Horretarako mozio hau helaraziko zaio Eskoziako eta Flandriako zein Irlandako Parlamentuetako lehendakariei.

Mozioa eztabaidara aurkeztu ondoren, botazioa burutzen da, batzartutako zinegotziek aho batez onartzen dutelarik.

• EAE-ANV INDAR POLITIKOAREN SUSPENTSIOAREN AURREAN EAE-ANV-K AURKEZTUTAKO MOZIOAREN ONARPENA, BEHAR BADA.-

Javier Berrojalbiz jaunak, mozioaren irakurketari ekiten dio:

MOZIOA

UDAL OSOKO BILKURARI

EAE-ANV indar politikoaren suspentsioa erabakita Espainiar estatuak berriro erasotzen du Euskal Herria. Alderdi Politikoen legea erabiltzen dute herri honen eskubideak jazartzeko, egitasmu politikoak legez kanpo uzteko, independentziari ateak ixteko. Espainiar Konstituzioak herri honen geroari itxi nahi dizkio ateak, gatazkaren konponbidea ukatu eta herri honen eskubideak urratzen jarraitu. Hori da, berri ere, PSOEko gobernuak herri honi eskaintzen diona: errepresioa eta konstituzioa.

Eraso honek ageriago uzten du pairatzen dugun demokrazia eza. Espainiar legedia eta justizia deitzen duten hori euskal herritarren eskubideak ukatu eta urratzeko besterik ez du balio. Espainiar Konstituzioaren eskutik ez dago euskal herritar izaterik, ez dago eskubiderik, ez dago Euskal Herria.

Une erabakiorra bizi dugu, gure herriaren borondatea ukatzen jarraituko duen Konstituzioari atxiki edo Euskal Herriari erabakitzeko eskubidea aitortu eta gatazkari behin betiko



Ajangizko Udala

konponbidea eman. Alderdi Politikoaren Legearen aplikazioarekin bat egin edo euskal herritarren borondateari bide eman. Hori da jokoan dagoena, eta horretara dator azken eraso hau, Konponbidearen alde borrokatzen duen independentismoari eraso egiten zaio herri honi iruzur berria egin nahi zaiolako. Une hauetan PSOEak eta PNVk iruzurra prestatzen ari dira, herri honen eskubideak ukatzen dituen markoa erreformatu nahi dute. Independentziari ateak itxi, gatazkari konponbidea ukatu eta alderdi interesak lehenetsiz markoa iraunarazi nahi dute.

Ez gaude iruzurrak onartzeko prest. Herriak konponbidea eskatzen du, gure etorkizuna libreki erabaki nahi dugu. Ukazioa, inposizioa, errepresioa, Alderdi Politikoaren Legea, Konstituzioa. Guztien gainetik herriari hitza ematea, herriak aukera politiko guztien artean, independentzia barne, erabaki dezan, horretan datza nozitzen dugun gatazkaren konponbidea. Marko berri bat behar du gure herriak, marko demokratiko bat Araba, Bizkaia, Gipuzkoa eta Nafarroarentzako.

Aipatu guztiari jarraituz honako mozioa aurkezten dugu, udal osoko bilkurak eztabaida eta onar dezan:

1.- Udal honek oso larritzat jotzen du espainiar estatuak EAE-ANV indar politikoaren suspentsioa erabakitzea. Erabaki honek Euskal Herriaren eskubideen aurkako eraso bortitza da eta independentzia helburu duen herri sektore zabala kriminalizatzea du helburu, Euskal Herriaren independentziari ateak ixtea.

2.- Udal honek herritarren borondatean du oinarri, hortaz, herritarren borondatearen aurka egiten duen lege edo erabakiei ez die inolako zilegitasunik aitortzen, Alderdi Politikoaren Legea Euskal Herrian independentismoa jazartzeko erabiltzen da eta hori onartezina da. Espainiar Konstituzioaren eskutik ez dago euskal herritar izaterik, ez dago eskubiderik, ez dago Euskal Herria. Eta hori onartezina da.

3.- Udal hau ez dago herriak aukeraturiko ordezkariak legez kanporatuak izatea onartzeko prest, izan udal hauteskundeetan jazarpena jasan zuten zerrendetako kide izan suspentsioa eragina jasango dutenak. Hortaz, bere babes osoa eskaintzen die EAE-ANV udal taldeko kideei eta erabaki honetatik eratorri daitezkeen ondorioei aurre egiteko konpromiso irmoa hartzen du. Hori horrela mozioarekin batera aurkezten den Neurrien Zerrenda onartzen du udal honek.



Ajangizko Udala

4.- Udal honek proiektu politiko guztien bideragarritasuna aldarrikatzen du, independentzia barne. Hori da gainera, Euskal Herriak bizi duen gatazkari konponbidea emateko bidea, Araba, Bizkaia, Gipuzkoa eta Nafarroako herritar guztiak proiektu guztien artean erabakitzeko eskubidea errespetatuko duen marko demokratiko bat eraikitzea, hain zuzen ere.

5.- Udal honek erabaki honi aurre egiteko Konzentrazioa deituko du, "Independentzia Aurrera, Euskal Herria kalera" lelopean eta herritar guztiak parte hartzera deitzen ditu.

6.- Onartutaren berri emango zaie herritar guztiei zein hedabideei.

EAE-ANV UDAL TALDEAREN ESKUBIDEAK BERE OSOTASUNEAN BERMATUAK
IZAN DAITEZEN HARTZEN DIREN NEURRIEN ZERRENDA

1.- Udal honek 2007ko maiatzaren 27an herriak emandako bozketan du oinarri eta boza guztiak kontutan hartuta herritarrek aukeraturiko ordezkari guztiak aitortza osoa eta eskubide guztiak bermatuak izan ditzaten neurriak hartuko ditu.

2.- EAE-ANV Udal Taldeak zein hautetsi bakoitzak dituen eskubide guztiak bermatuak izango dira.

3.- EAE-ANV Udal Taldeari bere izaera errespetatuko zaio.

4.- EAE-ANV Udal Taldeak zein hautetsiek udal jardueran era normalizatu beatetan parte hartzeko aukera guztiak izango dutela bermatuko da, beste Udal Talde eta hautetsiek izango dituzten berdinak, hain zuzen ere.

5.- EAE-ANV Udal Taldeko hautetsiek udalaren ordezkari gisa bestelako erakundeetan dituzten ardurak eta karguak gorde eta era normalizatu batetan bete ahal izango dituztela bermatuko da.

6.- EAE-ANV Udal Taldeak zein hautetsiek beraien lana garatzeko dituzten udal tresna eta baliabide zien diru ekarpen guztiak bermatuko zaizkie.

7.- Erabaki honen ondorioz EAE-ANV Udal Taldeak edo hautetsiek jaso dezaketen eskubide urraketa edota ondorioen aurrean Udalak bere babes eta laguntza osoa eskainiko du.



Ajangizko Udala

Mozioa azterketara aurkeztuta, EAJ-PNV taldeko Roman Etxeandia zinegotziak bere taldearen ordezkartzan, kontramozioa aurkezten du, bere irakurketa burutuz:

Ajangizko Udalak EAE-ANVren ilegaluzaziorako zabaldu dan prosezuz ondoko MOZIOA onartzea proposatzen dau:

1.- Ajangizko Udala pertsona guztien giza eskubideen urraketen kontra agertu gura dau. Oinarrizkoak diren eskubideak errespetatu daitezela aldarrikatzen dau beraz, bizitzeko eskubide, ideologia edo pentsakera desberdinak izateko askatasuna, nork bere eritxiak adierazteko askatasuna eta alderdi desberdinetan alkartzeko askatasuna, besteak beste.

2.- Euskal gizartea ezin da oinarrizko giza eskubide horreek albo batera itzita eraiki. Alderdi politikoaren ilegalizazioa ez da elkarbizitza politikoa lortzeko modua, eta bai, ostera, Alderdien Legea hauteskundeetan era bateko emaitzak lortzeko moduan aplikatzearen ondorioz. Era berean, herrigintza horren aurka jotzen dabe, bai eta haren bizimodu normalizatuaren kontra, eta erabat onartezinak dira, jardun antidemokratiko eta basati jakin batzuk, izan be, eurak jotzen dabe alderdi politikoaren egoitzen aurka, urietako altzarien kontra eta, oro har, uritarren aurka.

3.- Horregaitik Ajangizko Udalak Espainiako Gobernuari eskatzen deutso, hautreskundeetan daukazan interesak albo batera itzi eta EAE-ANV alderdi politikoaren ilegalizazioa bideratuko dauen demanda erretiratu dagiala eta gure herrira elkarbizitza politikoa ekarriko daben neurriak hartu dagizala.

Mozioen botaziora joan aurretik, Roman Etxeandia jaunak berak aurkeztutako mozioari buruzko eritzia galdetzen du.

Beñat Erezuma zinegotziak, mozio horretan gauza asko faltan ikusten dituela adierazten du. Adibidez orain lau urte zer gertatu zen ikusita, ez da inolako konpromisorik hartzen berriro ere berdina gertatu ez dadin, ez da beste talde politikoekiko errespeturik agertzen.

Alkate jaunak azaltzen duenez, EAE-ANVren mozioan argi azaltzen da eraso zuzena egon dela EAE-ANV taldeari eta ondorioz EAE-ANVri dagokiola ahotza izatea momentu honetan. EAJ-PNVren mozioan azaltzen diren helburu zabal batzuekin bat datorrela dio, baina momentu honetan EAE-ANVren eraso zuzena salatzeke EAE-ANVren mozioaren alde egingo duela aipatzen du. Beste mozioa partiduen arteko erabaki zabalago baten hartzearen alde dago, baina une honetan ez da hori mahaigainean dagoena.



Ajangizko Udala

Maria Angeles Goikolea andreak, Bilbon ilegalizazioaren aurkako manifestazioan gertatutakoa aipatzen du, manifestazioan zirenen kontra EAJ-PNVk Ertzainak bota zituela, inongo errespeturen gainetik.

Etxeandia jaunak, manifestazioaren kontra Garzonek egin zuela dio eta ez EAJ-PNVk. Ezin omen da onartu kale borroka eta partiduen sedeen kontakto eraso, denon artean errespetua beharrezko baita.

Jabier Berrojalbiz zinegotziak, Garzonek debekatutako manifestazioa uzteko bidea bazegoela aipatzen du, eta ez zela ezer egin hori bideratzeko.

Angel Luis Uribarri zinegotzi jaunak hitza hartuta, EAJ-PNVren mozioan, onartu daitezken hitzak badaude: eskubideen urraketan aurka agertzea, errespetua eta hirugarren puntuarekin ere bat datorrela adierazten du. Mozio horretan gauza batzuk faltan egon daitezke, manifestazioan izandako aktuzioari buruz ez baita ezer agertzen. Bere ustetan, manifestazioan izandako aktuzioa bidezko izan ez zela onartuz gero, mozioaren oinarria ondo ikusten du, borondate ona ikusten omen du.

Publiko modura bere burua aurkeztu duen Aitor Albizu jaunak, Alkate jaunari hitz egiteko baimena eskatu ondoren, honen oneritzarekin, Angeleri, ilegalizazioaren erabaki honen ondorioz beste batzuk ondorioak lortuko dituztela erantzuten dio. Mozio hau bere esanetan, EAJ-PNVren arpei zurriz bat da, hurrengo hauteskuntetan EAE-ANVren inhabilitazioa eman ezker ez baitluka ezer egongo.

Beñat Erezuma zinegotziak, inguruko herrietan pairatzen ari diren ilegalizazioa aipatzen du: Arratzu, Muxika... ilegalizatutako botuei inongo aukerarik eman gabe hautetzi karguak EAJ-PNVk betetzen dituela azalduz. Egunerokoan ezer egin ez dela adierazten du, mozioa ipokrezia utza dela aipatuz.

Roman Etxeandia jaunak, EAE-ANVren mozioan *"Une erabakiorra bizi dugu, gure herriaren borondatea ukatzen jarraituko duen Konstituzioari atxiki edo Euskal Herriari erabakitzeko eskubidea aitortu eta gatazkari behin betiko konponbidea eman. Alderdi Politikoen Legearen aplikazioarekin bat egin edo euskal herritarren borondateari bide eman. Hori da jokoan dagoena, eta horretara dator azken eraso hau, Konpondidearen alde borrokatzen duen independentismoari eraso egiten zaio herri honi iruzur berria egin nahi zaiolako. Une hauetan PSOEk eta PNVk iruzurra prestatzen ari dira, herri honen eskubideak ukatzen dituen markoa erreformatu nahi dute. Independentziari ateak itxi, gatazkari konponbidea ukatu eta alderdi interesak lehenetsiz markoa iraunarazi nahi dute"* azaltzen dela azpimarratzen du. Bera ez dator bat EAE-ANVk EAJ-PNVren aurka egindako salaketaz, bere taldea ez baitago iruzurrik prestatzen, independentziaren alde lanean ari direla aipatzen du, herriari boza eta erabakia eman ahal izateko.



Ajangizko Udala

Erezuma jaunak hori hilebete batzuk barru ikusiko dela esaten du; orain EAJ-PNV PSOerekin aurrekontuak adosten dabilela azaltzen du, independentziari ateak itxiz eta hori salatu egin behar dela. Hurrengo 20-25 urtetako etorkizuna "kozinatzen" dabilzala, eta berak EAE-ANVko zinegotzi modura hori salatu behar duela aipatzen du.

Koldo Carbonell Alkate jaunak, EAJ-PNVko mozioan azaltzen den puntu askorekin bat datorrela azaltzen du, baina hori beste zerbaiten ondorio izan behar dela. Une honetan eraso zuzena EAE-ANVk jasan duela eta hori dela salatu behar dena.

Erezuma jaunak EAJ-PNVren mozioa "*kojo*" dagoela uste duela azaltzen du eta EAE-ANVk bere mozioan gaur eguneko egoera kontextualizatu egin duela.

Mozioak botaziora aurkeztuta, honako emaitzak jaso dira:

- EAE-ANVren mozioa:
 - Aldeko botuak: 5 (EAE-ANV taldeko zinegotzienak)
 - Kontrako botuak: 0
 - Abstentzioak: 2 (EAJ-PNV taldeko zinegotzienak)

- EAJ-PNVren mozioa:
 - Aldeko botuak: 2 (EAJ-PNV taldeko zinegotzienak)
 - Kontrako botuak: 4 (EAE-ANV taldeko Koldo Carbonell, Javier Berrojalbiz, Beñat Erezuma eta Maria Angeles Goikolea zinegotzienak)
 - Abstentzioak: 1 (EAE-ANV taldeko Angel Luis Uribarri zinegotziarena)

Bozketaren emaitzak ikusita, Alkate Udalburuak, EAE-ANV taldeak aurkeztutako mozioa onartutzat ematen du eta eraberean EAJ-PNVk aurkeztutako mozioa ez onartutzat aldarrikatzen du.

2008KO MARTXOAREN 9KO GORTE OROKORRETAKO HAUTESKUNDETARAKO MAHAIBURU ETA BOKALEN ZOZKETA.-

Datorren 2009ko martxoaren 9ko Gorte Orokorrak osatzeko hauteskundeak direla eta, hauteskunde mahaia osatuko duten kideak hautatatu behar dira: Presidente eta bokal bi eta bakoitzaren bi ordeko.

Ekainaren 19ko 5/1985 Lege Organikoak arautzen duenaren arabera, Presidente eta Bokalak zozketaz hautatzen dira, idazten eta irakurten dakiten hirurogeita bost urtez beherako biztanleen artean. Presidenteak batxilergo edo bigarren mailako lanbide heziketa titulua izan behar du, edo subsidiarioki Eskola-Graduatu titulua edo ordezkoa.

Zozketa eginda, honako emaitza jaso da:

Titularra:



Ajangizko Udala

- Presidentea: **M^a Lidia Monasterio Irazabal**
- 1. Bokala: **Beñat Arejita Larrinaga**
- 2. Bokala: **M^a Concepción Arana Martija**

Ordezkoak:

- Presidentearen 1. Ordezkoa:
Leire Jaio Enbeita
- Presidentearen 2. Ordezkoa:
Maite Eder Etxeandia Guarrotxena
- 1. Bokalaren 1. Ordezkoa:
Juanita Ajuria Olariaga
- 1. Bokalaren 2. Ordezkoa:
Agurtzane Bilbao Penedes
- 2. Bokalaren 1. Ordezkoa:
Jose Cruz Aspiazu Juaristi
- 2. Bokalaren 2. Ordezkoa:
Justo Gerrikaetxebarria Arribalzaga

Eta beste aztergairik ez dagoenez, batzarra bukatutzat ematen da gaueko bederatziak eta laurden direnean, eta honen sendespena egiten dut Udaleko bitarteko Idazkari naizen aldetik, Alkate Lehendakariaren oniritziarekin.

ALKATEA

BITARTEKO IDAZKARIA